



## Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel  
Lvcra, à bono iustoq[ue] Mundi Gubernatore Deo  
Distribvta**

**Stengel, Georg**

**Ingolstadij, 1648**

§. 2. Poëticum exemplum diuitis vitam prolongare cupientis.

[urn:nbn:de:hbz:466:1-52359](https://nbn-resolving.de/urn:nbn:de:hbz:466:1-52359)

224 Cap IX, Dinitum, & pauperum  
latuer, tu verò cruciaris. Illius crux fuit tem-  
poraria, tua erit æterna; tua voluptas era  
fluxa & breuis, illius semper durabit. Sic ut  
ergo illius mors fuit pretiosa, ita tua pessima.  
Ad quem finem quisquis respicit, more sapi-  
entum, vtique non solùm patienter, verùm  
etiam libenter fert pauperratē, vt quæ ex-  
itum habet longè lætiorem ac securiorem.

§. II.

Poëticum Exemplum diuitis vitam prolongari  
cupientis.

Quàm autem inuiti sese sinant ex hac vi-  
ta expelli, quibus est aurum, & omnis rerum  
copia, qua sunt irretiti, eleganti dialogo  
Lucianus expressit. In eo enim cùm Cha-  
rontem induxisset de Mercurij, in anima-  
bus sistendis, nimiā morā quiritantem;  
Mercurius sudore madens, ac pedibus pul-  
uere conspersis, crebroque anhelans, sus-  
pirijsque assiduis fatigationem professus;  
tarditatem suam excusat, quod tempus in-  
sumperit, in scelesto quoipam (& monstra-  
bat eum) aufugiente prosequendo. Aufu-  
gisse verò illum, quod diutius vivere cogitare;  
esse autem vel regem quempiam, vel tyran-  
num, quantum quidem ex eiulatu eius co-  
njicere licuerit; nam ingenti quadam ex fe-  
ticiis

Lucian,  
in Cata-  
plo, sive  
tyranno.

licitate se deiectum querebatur. Quamuis enim filum Parcarum jam defecisset, stultum tamen superuiuere omni modo conatum, ac planè euasurum fuisse, nisi pauperculus aliquis Philosophus, qui baculum manu gestabat, auxilio fuisset, itaque diues ille comprehensus alligatus vinculis esset. Ex quo enim eum Atropos Mercurio tradiderat, per omnem viam se retrahere atque obniti numquam destitit captiuus. Quin pedibus solo oppositis, ita se offirmauit, ut inter ducendum Mercurio non parum negotij exhibuerit. Aliquoties supplicabatur, ac deprecabatur, ingentia daturum se pollicens, si vel paululum dimitteretur. Megapenthes autem Lacydæ filius, tyrannus is erat, qui ad superos remeare cupiebat, vel prece, vel pretio id obtainere nitens. Cuius rei cum ex ipso tyranno cauffam audire vellet Clotho, respondit, domum se semi-perfectam reliquisse, quam vellet ad fastigium perducere: quin, (quia eum nugas agere dicebat Clotho) saltem unum diem apud superos adhuc degere ut sibi liceret, rogabat; quo tempore de pecunijs uxori nonnihil iniungeret, atque ubi defossum thesaurum habuerit, demonstraret; quem

P oppidò

## 226 Cap. IX. Dinitus, &amp; pauperum

oppidò dolebat in Megaclis inimici sui manus deuenturum. Dolebat etiam murum manere imperfectum; & nauium stationem inchoatam, & Pisides sub ingum nondum missos; & Lydis tributum non imperatum; nec sibi adhuc magnificentum monumentum erectum: nec inscripta & commentarijs credita, quæ in vita gesserat; quibus expediendis, non vnum diem, sed viginti annos consumturus erat. Dolebat, vxorem suam seruo, filiam tyranno in manus venturam; statuas & imagines sibi erectas, euentandas; neque illorum ullum, qui eum, tamquam amicissimi, instar Numinis alicuius adorauerunt, obstiturum; & mille alia talia. Nam auro, argento, purpurâ peristromatis, equis, coenis, famulitijs, delicijsque omnibus carendum erat; ac insuper Rhadamanthi iudicium vehementissime metuebat, apud quem suas crudelitates ac libidines, aliaque flagitia sciuerat acriter accusanda; à quo, quia & ipse noua supplicia, & ad immanitatem suam explendam recens inuenta in terras induxerat, præter alias poenas, iussus est, non more ceterorum bibere ex obliuionis fonte, ut hoc pacto tanto grauiora tormenta persenticeret, recordans, semperq; ani-

mo

mo verfans, & quis fuerit, & quanta apud superos potentia præualuerit: maximè autem, cùm animo identidem recoleret, quantis doloribus, quantas delicias ac voluptates commutārit, ex Croeso Irus, ex fortunato infelicissimus factus. Hæc ferè, & plura de pessima diuitis morte Lucianus.

## §. III.

*Poëticum Exemplum pauperis morte gaudentis.*

At de Cynisco paupere, & Micyllo sutori, omnia in contrarium recenset, qui Hecates cœnâ ac ouis lustralibus, cumque his sepiâ crudâ, deuoratis vitam finiere: illudque solūm, contra Parcas, questi sunt, quod tam longo tempore, apud superos errare permisssi essent; & Lachesis vniuersam colum ferè illis solis adglomerasset. Nimirum adeò pauperes erant, ut eam ob caussam se à Morte contemni ac negligi arbitrarentur, neque exiguam esse iniuriam existimarent, tot annis in vita relictos esse. Quærit igitur Clotho, cur tam grauiter ferant vitæ moram, pro qua alij mille auri puri talenta sedatueros repromisissent? Cui respondet Miçyllus: *Non admodum me delectat munus illud Cyclopis, videlicet in hunc modum polliceri:*

P 2

Post